

全義李氏族譜序
成宗丙申草譜序

夫萬物本乎天人本乎祖者蓋生人之始也而鮮能尊祖敬宗以親九族者世益遠而派益分曹然不相知則族譜之作烏可闕乎李氏出於全義而蔓然東方禮安之李亦一室以有統三之勲自是厥後高車大蠻美官豐祿者袞袞而出業綿瓜瓠枝蕃螽斯豈非積德累仁之餘慶乎柰何後世子孫曾不是念視至親如越人葛藟之詠角弓之刺所由起也我皇考諱賀慕古悼今旁搜博訪撰內外族譜有若全城李氏月城金氏銅州崔氏孔巖許氏修其世系枝派貽厥後裔其垂曉方來之意至矣第以世遠枝蕃難以核緒幸得李氏族譜於清川府院君韓相國第叅考演益以補闕畧子孫之觀是譜者究源尋派知一身之所自出孝悌之心油然而生雖至於服盡情盡原倫理致敦睦則庶不負作譜之意也 成宗丙申秋鰥孫麟謹序

宣祖甲戌譜序

自宗法一壞人之知本者鮮矣尚幸後世譜牒頗有宗法遺意譜牒既立則世系自明而倫理以正所以管攝人心而收宗族厚風俗者無不在是焉其爲風化所關豈曰少哉今之世家大族立譜者幾何則是將並其遺意而廢之雖欲復古法而明世教不可得也先賢之所嘗惓惓而垂訓者蓋可想已全義李氏之爲世族遠矣自我鼻祖太師公至于十世簪纓相繼而尚未有譜後孫掌令賀所撰及其孫麟所得於韓相國第而演益補遺者

皆未爲成書觀察使繼福所撰慶壽詩後譜只錄孝靖公一派亦未得爲全書至於興地
勝覽以文義公爲文莊公混之孫以孝靖公貞幹爲文義公六世孫襲謬已久而莫之能
改此實吾門一大欠事也嚴父平日言及于此每以爲憾有志作譜非一二年一日謂外
姓安璐曰太師之後久而愈昌忠孝傳家仁厚成風者何莫非祖先積德貽謨之致也而
世系傳訛骨肉無統既不知來處往往親未竭而不相識與塗人無別此則吾輩羞也子
盍爲我成美璐聞而喜之乃與姓孫持平濟臣謀立譜於是以濟臣所嘗手錄者爲本稿
并集賀所撰内外譜與文莊以下諸公史傳碑碣及諸家名譜以資其參考旁搜同姓之
散居湖湘二南者得各派所錄不一而足較其同異反覆詳證質疑辨訛期得其實而後
已又患其簡秩浩汗而撰次無要只錄子姓而不及於外孫哀爲一卷而名之曰姓譜非
敢厚於內而簿於外也欲其枝派之不煩而統緒之分曉也內外諸孫食祿者五十餘人
隨力出財募工鋟梓璐及文琦實董之半年而功告竣印得若干件遂與同宗共之吁亦
勤矣是譜也編簡不多宗支甚明使七百年二十傳之昭穆了然一寓目之間而詳吾所
出之意亦未嘗不寓於其中則所以厚倫理興孝悌者於是乎備焉其可謂約而盡矣况
文義孝靖二公之世系自此傳信而勝覽之訛謬將不待刪改而自正則後裔之幸不亦
大乎繡板之藏不于家而必于貫縣之碑岩寺者蓋以太師之故居與墓咸在於此此實
吾子孫不忘本之意也且欲傳公之使後人同志者因是而世增之以廣其流布以永其

不朽耳嗚乎凡爲姓孫者知吾身一源之出而極其尊敬重同宗百世之義而勉其敦睦以不墜祖先家訓永樹喬木風聲爲他日朝廷之益則其於作譜之意庶幾無負云

宣祖乙亥三月後孫折衝將軍行義興衛護軍知製 教海壽再拜謹序

宣祖甲戌舊譜跋

氏族之有譜明世系序親疎也人之一身以三爲五以五爲九恩有厚薄服以輕重上殺下殺以至刃殺而正統則雖遠祖猶服齊衰崇愛敬也同宗則雖百世媒妁不通義無絕也祖廟未毀或同路人功綱之內有未識面者宗法旣壞家無譜牒後嗣蒙蒙莫知其源派而然也余以太師彌孫辱承領相公隆委與子姓持平濟臣幼學文琦叅證諸譜彙爲一秩凡撰次皆稟裁于相公首冠家訓尊世守也只錄子姓重宗緒也譜一啓而昭穆之列井井昭晰如指諸掌咸如所自出肅然起敬怡然思睦踈者以親薄者以厚以寔家門之大幸也然則領相公纂譜匪眞倡和睦於一門實贊孝理之隆北豈不贊歟領相公諱鐸字善嗚移病丐聞今判中樞於璐中表丈行也若家訓等條則持平所述云時 宣祖八年三月下澣十七代彌孫順興安璐謹跋

仁祖甲戌舊譜序

吾李氏之爲世家也久矣自吾太師佐麗祖統一三韓子姓簪纓相襲綿延不絕者迨且七百有五十餘禡矣雖其子孫世篤家風何莫非祖先之遺教餘慶之所暨也然而譜牒

之行于世者不廣勝覽誤以文義公爲文莊公之子孝靖公爲文義公之六世孫而李叅判陸於吾高祖判決公神道碑文因襲其謬而誤叙之先君子得慶壽詩後所譜以知其謬慨然有考異之志遂廣覓諸家譜得以證訂手錄之未及克成宗丈領議政貞肅公鐸聞而嘉之屬外族人安璐終成完譜豈非吾門之一大幸歟第前譜之成在於 宣祖甲戌歲幾周甲子孫之未錄者尚多命俊與家兄都事耆俊欲續成而未果嘗以爲惋及受湖西方伯之命通文諸道各收子孫錄咸會于一適宗人前郡守升亨甫閒居村舍因界之使續其各派舍兄耆俊又因而校正朞年而成然前後譜名字或牴牾殊不知此是彼非因註其同異於其氏名之下庶幾繼此者得以咨訪而考正焉嗚呼姬周以後宗法大壞不知其所自出者或有之又不知其宗人之爲宗人而視之殆同路人蓋旣無宗法又無譜牒故也何望乎管攝人心而收宗族厚風俗者乎嗚乎先君子倡於前而以成完譜吾兄弟繼其後而續其末錄觀吾譜者總功祖免之外各派宗黨井井不紊則非但孝悌之心因此油然昔日之殆同路人者更成敦睦之風則尊祖重族之道豈曰少補哉畧記顛末於右而願與宗人共勉焉時 仁祖庚午八月日後裔孫嘉善大夫行司諫院大司諫命俊再拜謹叙

仁祖甲戌舊譜跋

吾東重世家世家之譜互出駢傳務詳者苟聚異姓務簡者專成一氏若文化之柳安東

之權爲最繁而譜亦最詳而鉅蓋勤於周咨述作之不替矣舅氏都事公以全義李氏譜
卑翊聖識其後惟我李太師與柳權兩家祖并世肇迹派裔之繁亦畧相似而譜牒之稍
簡者爲專成也源而委之止于得姓女子係其婿則簡而備也原始要終如綱之目視彼
詳而鉅者無不足也魯祭先顙後郊近也魯賓先牗後薛親也周之禮在魯舅氏其裁于
是矣譬之水源于河而達于江而注于海歷幾千萬里其間派分而支裂者何限而必稱
其宗人之受姓于祖及吾之身歷幾世而其間功德可以庇族裕後者亦必稱曰宗此非
子孫有所選擇而宗之公議之在人心不可誣也勝國逖矣入本朝孝靖公以孝聞于
國清江公以節行文章蓋一代噫李氏百餘年而得二公而宗之不亦盛矣乎哉紹李氏
之後者能尊其祖敬其宗收其族明其訓極之親親而仁民贊興禮樂羽儀當世者繼二
公而起則文獻之徵有是譜在時仁祖九年歲舍辛未清和外裔孫崇德大夫東陽尉
申翊聖頓首拜書

英祖甲戌譜序

大姓世族非譜莫記譜固重矣譜不可不審者法也簡者失之疎詳者失之繁疎與繁者
之於爲譜豈曰譜之善也全義之李自太師公佐麗開運根深枝達奕葉之盛爲東方世
族之甲此吾高祖考清江公宣祖甲戌之譜所以作也於戲清江公創始之功奚但立
譜收族而已伊昔系派之舛訛者叅證而釐正之遂使昭穆明而彝倫叙則實我李百代

之幸也逮夫仁祖甲戌又一周矣時我曾祖考潛窩公與第三兄都事公聿追先志續錄子姓譜牒之傳迄今可攷乃知先甲後甲即我家立譜之年而述先詔後亦當日作事之意也噫宣祖之甲今且再周矣後乎譜而生者亦既曾而玄焉則續修之役何可一日緩而一二掌事之人閱年易乎卒未有成今族侄徵國潛窩公仲兄志範公之玄孫也乃以苦誠血忱博見精識擔當譜事十載專工公以定其式明以剔其訛克追二祖繼述之業遂使八百年蔓延之族井井不紊於一開卷之間其爲功亦大矣以其法例言之則生卒必書墓地必書墓文必書某作配位必書四祖外姓之錄止孫行疑派之祔諸譜末者此其節目之大畧也宜詳而詳何厭乎其繁宜簡而簡何病乎其疎簡而簡而得中也者吾於吾譜見之矣噫人皆知譜事之不可已而不思其不可已者尤有在於譜事之外則抑未也已譜首所載曰本源曰家訓曰盛典三條即我清江公追述先徽垂示後人者也太師公種德素後文莊公之作詩垂訓亦越我孝靖公之高年至孝顯受聖祖之寵褒者何莫非我家之烈聞懿範而靡我清江公發揮論撰之力未流之久矣夫熟知源委之所自清江公節行文章冠冕一代豈直一門之私頌而惟其眷眷於篤倫之義勤勤於貽謨之方者在我子孫雖百世不可忘繫我同譜之人盍亦服膺而矜式也哉嗟呼譜牒則愈修而愈明家聲則寢遠而寢微若之何則可蓋亦反其本而已矣顧今輩行忝在清江公玄孫之列者獨不肖一人耳其有感於斯譜者自不後於他人敢以先祖之思終始

助於吾宗 英祖庚午仲秋日後孫嘉善大夫中樞府事萬培再拜謹叙

英祖甲戌譜跋

譜編凡二十合上下爲十冊此吾再從弟徵國子賓之重修撰次而子賓奄忽後越二年甲戌始克印出者也嗚乎修譜一事卽吾家世傳之業清江公始創建之潛窩公兄弟又繼述之卽是宣祖甲戌及仁祖甲戌所印譜而今年甲戌又是仁祖甲戌譜後再周甲則事甚不偶若有所期然而然者也子賓於吾少一歲自幼少至衰老周旋於同堂間知其本末莫我若也其平昔之所惓惓者述先之誠報本之義而自中年孤露以後溯尋內外系派諸家譜牒靡不博考而竊搜宗中人仍屬之修譜事早夜專精編摩釐正者殆二十年旣訖投而未及就刊身先逝焉其孤子德容乃於憂服含恤中實懼父業之仍以廢棄必欲刊布而家兒德祖適又當掌役之任通議于諸宗鳩財而活印之譜遂成焉譜中之規模節目巨細本末靡不精切簡當不病乎支繁不歸于疎忽工於譜者見之自可知矣精力之所到見識之所在也記昔去甲戌以來吾家尊行數三長老留意於譜書之續成或倡始而止或出草而歿星霜屢變舊甲重回而全譜乃印子賓亦作古人惜哉向非子賓之專於譜工則孰能繼家傳之舊業亦非德容之篤於孝思則安能遂父志之未卒也耶父作子述皆可書也吁吾家譜牒之前後修成者不但爲系派之詳明而已卷首特揭家傳忠孝世守仁敬八字者卽吾十一代祖孝靖公之受賜於世廟以爲世世傳守

之懿訓而于以入刊於舊譜者也今亦模揚于譜牒首張惟此八字實爲篤厚人倫修持
身心之一大符契未有孝其親而忠不移於國敬其長而仁不施於人者也苟或拾是而
求他則譜牒雖修明其不爲墜緒圯族之歸者幾希矣清江公之所以垂戒於譜首者已
詳切矣凡爲吾先祖子孫者其敢不戒懼遵承而亦在同譜之人所當互勉而交勗者也
綱領乎吾譜者於是乎在時英祖甲戌十月晦太師公二十一世孫前縣監徵復再拜
謹跋

後甲戌四修譜序

天下之大道曰忠孝而已人能究源溯本知其身之所由生其所以爲忠爲孝者感於中
而發於外藹然莫之能遏今夫譜牒卽其忠孝之契券焉耳矣吾東尚氏族重世閥巨室
大姓後門寒素靡不有譜棄而知其世由其顯赫者視之爵祿之世渥纓布之追繩是所
謂凡周之士不顯亦世也至如山野耕鑿之人安其生樂其業沐仁聖之化而向上之心
彝性同然此則忠之所由源也人必有始生之祖以子以孫至于曾玄雲仍縣聯珠貫上
繼下承禮家所云上盡高祖下盡三從爲其制服之有隆殺而高祖以上又有高祖三從
以外又有三從上沂匱推一氣貫徹先古之遠無異趨庭通譜之廣有如同胞此則孝之
所由本而亦敦睦之所由起也古者家必立宗宗法立而尊祖敬宗收族之意燦然畢具
無待乎譜而譜寓乎宗法之中周官以降宗法寢廢而譜牒興焉譜牒卽宗法之遺而寔

爲風教之源本嗚乎不綦重歟惟我李姓 成宗丙申草譜逸而無傳先祖清江公有憂之蒐輯諸家因籍之可以憑信者編成一本時則 宣祖甲戌也及到仁祖甲戌潛窩公繼以修之其後百有餘年子姓益繁衍宗老徵國氏廣搜博訪十年積勤乃克成譜其刊行亦在仁祖再甲戌今所行甲戌譜是也子是之後仍復闕焉至今爲祖禱於見在之人俱未登譜所以明派系辭昭穆者將無可稽寧不大可憂者乎嘗見歐陽公答曾子固書條辨其世次舛錯皇明李空同高曾以上失其名此皆不能以時修譜而然也以若博雅大儒致此文獻之闕食世德而闔先蹟此甚可鑑而可戒者曾於壬子癸丑間族兄承旨玄功氏擔任譜事歲月致工畧成次第而不幸不克竟其事宗中仍無繼者因循忼惕又二十年餘矣諸宗人積久齎欝今乃僉謀詢同斷然舉而始之時敏老無能爲也編廁校讐專伏於三數族人其規制凡例謹嚴精核閱二載而功告成一卷開而宗支派別秩然有序誠吾宗之大幸也而舊譜之歲甲而又屆此實不期烈而然者吾宗成譜亦自有數知祖德之盛以增國家之光是爲忠孝之大者也昔我先祖孝靖公禔躬制行時值莫陵盛際屢蒙殊異之典而於舊譜卷首摹印家傳忠孝世守仁敬八字相傳以爲 辰翰寵賜吁其盛矣吾宗世世萬子孫展卷瞻仰慨然而憾憬然而慕忠孝之心其有不油然而生乎哉譜成之後謹綴荒蕪之辭識其緣超如此 歲甲戌二月日後孫嘉善大夫刑曹

叅判時敏謹序

後甲戌四修譜跋

宋蘇洵族譜引有曰觀吾之譜者孝悌之心可以油然而生信哉斯言也惟我全義之李始自太師公至八世而爲三派大司成公爲第一派第二派貫禮安選部典書公爲第三派卽我十九世祖也十世祖清江先生於宣祖甲戌創成我李氏之譜繼此而有仁祖甲戌譜甲戌後再甲戌譜一百二十年而又當再甲戌典書公派譜成舊譜序跋暨門中長老新譜序文在焉顧不敢以蕪辭妄有贅述而增修之舉靡歲不宜曾不宜甲戌爲準者他歲經紀輒皆未遑間或草譜作而未克鋟梓止竟至甲戌而始乃順成前後是役必屬清江之門此其故何也噫清江先祖洋洋之靈在子孫心上以當日敬宗收族之念悅若耳提而面命每趁創譜舊甲碑克善繼善述而然歟今新刊之譜三倍於舊譜多至一千四百三十四頁而編十九冊二十六袞一百二十終始工費舉成數爲六十六萬錢儘至重至大之役而各派諸宗競相出力惟恐或後經紀數歲容易告竣此固先祖之靈陰騭于上而諸宗孝悌之心油然而生亦盛矣乎哉往歲癸丑大司成公派譜先已刊行事勢攸掣縱不獲已兩派後承宜各勉旃迨後甲戌增修合譜庸亦可已乎五甲戌後孫判書根弼再拜謹識

戊午五修譜序

天地一太極也萬物亦萬太極也萬太極在一太極之中而不謂之爲盈一太極生萬太極而不謂之爲費也始祖一太極也萬子孫亦萬太極也以始祖之一生子孫之萬而不謂之多以子孫之萬系於始祖之一而不謂之繁其故何也太極包陰陽而兼動靜故五行順布四時代謝萬物生生而不已閱萬慨而如一日何莫非无 太極之原理也始祖積功德累仁義故五倫攸叙三綱順正子孫繩繩而無窮亘百代而不絕亦何莫非太祖中祖之餘蔭所暨歟然則全義李氏之姓譜亦一家太極圖也徃在甲戌皆吾姓四修姓譜之年而清江先祖畫第一圈 憑齊潛窩兩公畫第二圈至於第三第四圈宗老諸公暨伯父石友公修飭之潤色之吾東世家家棄之最稱謹嚴者也甲戌又經四十五年則子姓繁衍名在太極圖之外散漫無統故京鄉子姓欲重修一家太極圖不佞雖蓋敢不從述先裕後之美也窃伏念譜首所載李氏本源一條卽太師公種德毓慶之基本田地則譬若太極之動而生陽靜而生陰之始也祖先家訓一條卽文莊文義二公以忠孝一句互相戒筋此實講明太極之理順從形旣生矣神發知之妙也國朝盛典一節卽 孝靖母予以仁以敬修其天爵而享其天年則能行太極之道而見功效於當時垂鑒戒於萬世子孫矣詩曰母忝爾祖聿修厥德夫譜者亦修德之一事也修德莫如務本本立則其道自生故今番修譜之日自錦江先山以下觀德之祖無論何派山圖碑文揭載編首又發刊慶壽集使萬子孫起孝思於開卷之日又重豎 孝靖公墓所神道碑非徒褒揚揭

先德以備不朽抑亦不忘聖朝寵異之數高出萬萬也及其凡例則一從先世舊規而略有增減時措之義也語其譜役之速成則專仗任掌宗人之勤勞也余何與焉然家國之大少不同家齊而後國治則其道無二也國史正而政治興焉家譜成而宗法行焉凡我一千年蔓延之族同載於一帙幾卷之中千枝分張萬派森羅而溯究其源則一也一者萬太極合爲一太極也余亦太極圈中之人譜成之日敢以此說弁之云爾 甲戌後四十五年戊午重陽太師公二十七世孫資憲大夫掌禮院卿根教謹序

戊午五修譜跋

始祖之前無譜故不知始祖之有始祖始祖之後有譜故始知始祖之爲始祖始祖一本也子孫千枝萬葉也順推則一本而散爲萬殊也逆推則萬殊歸于一本也統一收萬者譜也譜豈可已乎况今六洲一家五色四散若無萬姓各者爲譜則孰知源委分派之所自也自宣朝甲戌四修姓譜距前甲戌纔四十五年而譜更修者良有以也譜者史筆他褒貶褒貶不敢輕下抑陰扶陽大旨也隱惡揚善細修也附遠益親睦義也秉公絕私宗規也故釐正之規取柯於先修宣祖甲戌清江公草創之仁賴甲戌賈窩二公修使公四修之皆編摩之法絜矩乎時措總務玄浩厲精編纂之助書記性魯鳴世光世榮魯鍾有謹嚴之凡例皆編摩之法絜矩乎時措世根俠有討論潤色之助書記性魯鳴世光世榮魯鍾國之魯得魯容世鍾邵有繕寫之勞槐山根基有振起先事之續掌財世根俠有討論潤色之助書記性魯鳴世光世榮魯鍾慶世忠世有出納之勞槐山根基有振起先事之續掌財

此視於有形而休惕也名祖碑文間或謄載此聽於無聲而興感也至於三刊壽集而付子孫之廣和者取其殷鑿不遠也且里豎豐碑仰孝靖之至德述襄簡之遺志莫非追孝無窮之思也嗚乎自聖節公以下綿綿三十二世則淵源如此其遠自選部公以下歷歷分爲十七派則子姓如彼其盛收族成譜誠至大之役也尚書二公以耆德重望倡睦風於一門任掌諸員積勳勞於三載刪繁取要合綦爲七冊可謂約而精矣謹嚴之規時措之義序跋盡之更何言哉 戊午重陽太師公二十八世孫國子司業學魯拜手稽首謹識

甲午派譜序

夫人有姓則有其譜姓者統系百世而終所不舛譜者傳至後昆而使知所由生也我全義之李自太師公以下源深而派長派長而支分遍滿于八域之內而其巍然勲爵煥然文章繼繼不絕者豈非先世積累之蔭歟至于中葉副司正公諱昌祖以不仕之意南下宜寧世干距今四百餘年子姓如彼其盛戊午修譜已多年所而世變滄桑南北阻隔大同合譜猝難爲舉故不得已副司正公派譜爲定任掌幾人勤勞修單監察刊役剏劂完編則庶幾有補於他日大同之役云爾 戊午後三十七年甲午流頭月上浣後孫杞魯再拜謹序

甲午派譜短跋

一本而分爲萬殊萬殊而歸于一本理之然也祖宗一本也雲仍萬殊也苟究之一本而推而達之於萬殊則萬殊之不害其終歸于一本也吾李之氏全義自始祖太師公諱樟以下至公世三派始分文莊公諱混亦吾姓之一派也而子孫以禮安爲貫不入同譜大司成典書公兩派三修同譜歲癸丑兩派共舉譜事大司成公派先已成譜典書公派收單不及故未免中輒而後十餘年克成派譜戊午五修譜時大司成公派亦不收單一姓分譜不無餘憾人家以三十年爲一世修譜後已爲三十有七載幼壯老沒生息更代纂世緒辨昭穆不可緩於今日之世也譜者合族而不忘其所自出也知所以不忘則當以祖先之心爲心同焉而統合者固祖先之遺也分焉而各修者亦祖先之遺也推此心而施之焉有親疎之異哉究一本推萬殊其道伊何孝悌而已牆間未已南北相隔糾合之不能周則不如修我副司正公派譜以俟天之有定也歲甲午初春宗議齊發不幾月派譜以成任掌諸員忘勞勤幹周施中規豈無敦睦之心而然耶吾先祖積德累仁之說前譜中諸長老序跋在之以余蕪辭何敢贅述焉譜成之日略綴顛趾以附編末 甲午季秋下浣後孫恪魯謹跋

伏惟我全義之李肇自太師公傳之于今千有餘載而赫世繁衍爲世推抑矣麗代則未嘗有譜而逮至族先祖清江先生創始於宣祖甲戌歲吾姓之譜遍於八域矣嗣是而重修於仁祖甲戌英祖甲戌高宗甲戌及戊午之譜凡五回也去乙酉丙戌年間太師公暨

碑之時畿湖諸族縱有修譜之論仍遭世變之滄桑而未及目也今世道紛雜倫常紊亂
古俗曰非猶知氏族之關念媒妁之不通蓋有譜之力也然則譜之一事豈不重且急耶
何幸今春派譜之說一出宜寧宗族無入異論竟至登梓豈非哀世之幸耶 太師公以
後乃至副正公直系所蒙則不過二册而由來舊譜序跋皆先賢之所撰至矣盡矣何敢
贅哉姑記顛末云爾 甲午重陽節後孫用魯再拜謹識

夫譜也者上以明世系下以收宗族世系明則昭穆有序宗族收則親疎不遺故孝悌之
心油然而生者也故上自大師公以至三十餘世則淵源如此其遠矣自甲戌至戊午修
譜凡五六次西今距戊午已近四十年則不無汲汲於大同譜聿然因世道而莫之能也
故居鄉同族會于先亭發起派譜之論則不謀意同刪煩取要合纂爲二册可謂略而成
矣付諸剞劂廣其印布則凡我子姓更使遠者近疎者親勿替引之則忠孝仁敬文章名
宦安知不專義於前而無繼於後耶盍相與勉之哉 甲午流頭節後孫泰世再拜謹識

癸丑派譜重修序

譜者族氏之籍也家之有譜與國之有史名雖殊而其揆一也國而無史則年代統緒不
可攷家而無譜則世系派分未可知故在昔譜之未有也至以同祖之孫不過總功祖允
之親而視若燕越往往又有同祖媒妁之通紀綱之所以不立豈在乎他哉是以伊川程
先生有言今無宗子故朝廷無世臣若立宗子法則人知尊祖重本夫其無史無譜則臣

之襲世祿人之尊祖重本由何而乎得憑何而明乎昔賢之立言詔後良有以也蘇氏之創譜法亦豈不由是也歟我朝譜法自中葉始行因其有譜而遠近派分井井昭晰上下昭穆秩秩明白一寓目而較然如指諸掌孝悌之心油然而生雍睦之情自然而發相維固結而不至渙散祖自尊而木自明譜之所以關於倫綱如是豈可遷延而不思所以修之乎世之爲譜者槩多以三十年爲斷然惟隨其時觀其勢而已何必以此爲準哉惟我大譜之成閼歲雖久國土分斷勢莫合同此吾宜寧派譜之所以修者也其成在甲午至今爲二十年所矣雖未及三十年然環顧宇內世潮翻蕩倫綱頻敗幾化於翔走者瞭然在目世愈降而人愈遐則其流犯濫而漁色之欲將無所不至推以時勢譜之修也豈不在所急也歟所以今年春鄉中諸族聚首爛商慨世而咸曰此際大譜固不可望而派譜則不可不重修之激勵後仍使之奮發孝悌之心興感敦睦之義則其功不但吾門之有光焉亦庶幾有少補於世教之萬一議旣完責余不佞以管掌其任余亦忝在宗籍中一人不敢辭避擔其始而終識其實以叙之往在甲午派譜少有差錯故再翌年丙申別修處士公派譜而今合議同刊云爾

癸丑派譜重修跋

癸丑陽復月後孫弼世謹識

吾李自鼻祖太師公七傳至東巖叟公有三子一曰大司成公二曰文莊公分貫禮安而

不同譜三曰典書公卽吾中祖也舊甲戌有大司成典書兩派合譜之論而適有拘碍各修其譜而迄今不合此吾宗之所以以典書公派譜謂之大譜者也前後數次修譜而自戊午後至今數十年間生齒益蕃蔓延國中共麗不億事巨力綿而加之東亞戰亂國士分斷南北障壁尤不可能於合同也其居宜寧自副司正公始焉而今代已易十四或十五六計其戶則幾至五百餘往在甲午始修我宜寧派譜而經廿年于茲矣噫顧今世級騰倒人心不古蹄蹟滿地綱淪法斂人之視譜如己陳之芻狗同祖而不知同祖親族而不如親族互相攻擊至於骨肉鬪狠而不行人之行者甚衆孟子所謂人將相食者正道今日也如知其尊祖重譜則其至是乎在夫此時未暇論早晚而卽重修之喚起雲仍尊祖重譜之心而警惕之使之孝於親睦於族而无忝先祖則今之修譜倘非吾宗之幸也歟役旣完畧叙其顛末而因附蕪語俾相勉勵焉癸丑冬至節後孫震世謹叙

全義李氏派譜上卷第一張

李棹

一世

康

秀英

二世

文景

三世

允寬

四世

仲

五世

高麗統合三韓開國翊贊二等功臣三重大匡太師○按輿地

勝覽高麗太祖南征百濟至錦江水漲棹護涉有功賜名云初名齒

墓全義縣西五里量閑坪丁坐

嘉靖壬辰十五世孫龜齡爲本道監司立碣石年久摧折萬曆

戊寅十五世孫依仁宰本縣改堅碣石有陰記字久而泐崇禎

再丁亥二十二世孫弘肇爲本道兵使又立碑有前後二碑

子精勇衛大將軍

兵部尚書

千牛衛大將軍

刑部侍郎

順

見下

按舊譜自太師公以下四代配位不載而近代諸家窮源譜多錄書以太師公夫人陝川洪氏父宰臣淑精勇衛大將軍

夫人密陽朴氏父處置使安老兵部尚書夫人清州韓氏父奉御寔千牛衛大將軍夫人驪興閔氏父政承世勣以爲四

代配位本出於文義公曾孫判牧事勣所記者判牧事子孫

今審修來單子亦爲列錄未知判牧事公去古不甚遠果有

何的考文籍如是記書而其后孫處今無文藉考實者此洪

朴韓閔四家譜亦不見印本證據處茲不敢依例列書姑此

旁錄以備日後考實

順

見上

仟一作阡

子原

直文翰署追封正順大夫

保勝別將夫人陰城蔡氏父中郎將沖

夫鷹揚軍大將軍知禮部

事中書侍中門下平章事

夫人慶州金氏父平章起

孫祖太保台瑞曾祖平章鳳毛外祖判決事幸州奇

宣弼生二子后夫人川寧張氏父中郎

將仁起○按麗史將軍李

仔將舟師南下高宗丙辰

子華

子彥榮

三司左尹

彦冲

謚文義

成均館大司成○永嘉郡夫人安東金氏父檢校草器監

史館敍成

子昇以禮安爲貫不同譜

子異早卒无傳只有一女

女金碩郎將

字太初高麗元宗朝年十七登第補國學學正歷文翰

學士銓曹判書集賢殿大學士大司成加封上三韓命議

政承致仕忠宣王壬子八月卒壽六十一謚文莊號蒙庵

正惟銳祖開正孝續曾祖直

登第補國學學正歷文翰

學士銓曹判書集賢殿大學

士大司成加封上三韓命議

九世

十世

十一世

子允寬

子仲

子順

見下

夫人南平文氏父閭門祇

侯子誼生一子后夫人加恩邊氏父立中

生一子○萬曆譜云中配金氏无育